



**Baldvini Cabilliavi E Soc. Iesv Magdalena**

**Cabilliau, Baudouin**

**Antwerpen, 1625**

XCVI. Magdalena nauigans ad Cælum, velum è crinibus suis detexit.

---

[urn:nbn:de:hbz:466:1-70461](#)

## X C V.

*Terrâ CHRISTO resurgentî gratu-  
lante, mæret MAGDALENA.*

**V**IT Crucis opprobrium florente redemit Eoo  
CHRISTVS, & extinxit vita bis orta  
necem;  
Terra nouum, simul æthra nouum profundit  
amomum:  
Rore suo hæc spirat, flore quod illa suo.  
Ipse sibi flores, flos aureus ille salutis  
Vendicat, & mundi gaudia verna serit.  
Nempe suo florens IESVS aspirat honori,  
Et lustrat radio nobilicre diem.  
Terra nouos cultus, Tyriosque superba paratus  
Induitur, Domino sic placitura suo:  
Intexitque sacram læto de flore corollam,  
Et mutat teneris spinea ferta rosis.  
Scilicet illa pio redimit nunc blanda roseto,  
Vulnera quæ fixit spina cruenta Deo.  
Nil nisi spinosos legis hoc de vere dolores?  
Stare nouam CHRISTO vis redeunte  
Crucem?

## X C VI.

*MAGDALENA nanigans ad Calum,  
velum è crinibus suis detexit.*

**M**AGDALA Tænario quondam male-nau-  
fraga fluctu,  
Et mundi tumidis sœpè sepulta vadis,

K 4

Vt

Vt tandem Stygiis emersit inerma procellis,

Quas agitant diris horrida monstra fretis;

Attundit iam salua caput, cirrosque comantes,

Quasque secat, stricto colligit vngue comas;

Et dicit, lacrymans: Queis sparsi retia mundo,

His ego de cinnis prouida vela struam.

Si cincinnatus laqueus deuinxit I E S V M ,

Et dabit astrigeræ carbasæ fida rati.

Apta coma hæc tramæ est lensus quam macerat humor,

Vt licuit crispo tangere crine Deum.

Byrsa Libyssa suos si vertit in arma capillos;

Cur pia cæsaries texere lina neget?

Altera stagna sequar, sequar altera regna: sa-  
lutis

Ibo mari; salsum sed mare fletus erit.

Insanas Boreæ furias, Nereique furores,

Fulmineosque globos, monstrificasque feras,

Et Noton, & vis si qua Noto violentior urget,

Indomitibus vincent linteæ texta comis.

Ocyor & terras, & porrò diffusa regna

Aeolidum, & pluuium spes mea scandet  
iter:

Aetheria que vias puppis tranabit, & ignem;

Donec ouans Cælo classica læta canam.

Atrigero fidum cælesti littorè portum,

Cui Pharos & pernox stat Cynosura Deus;

Carbasæ veliuolis olim detexta capillis,

Sidereo appendam tunc anathema tholo.

*Genitio*